

民國史料叢刊

989

張研 孫燕京 主編

史地·年鑒

東北年鑒（1931年）〈一〉

 大象出版社

民國史料叢刊

989

張研 孫燕京 主編

史地·年鑒

東北年鑒(1931年) 卷一

 大象出版社

圖書在版編目 (CIP) 數據

民國史料叢刊/張研、孫燕京主編

鄭州：大象出版社，2009.2

ISBN 978-7-5347-5439-5

I. 民… II. ①張…②孫… III. 中國—近代史—史料—民國

IV. K258.06

中國版本圖書館CIP數據核字 (2009) 第022264號

民國史料叢刊

張研 孫燕京 主編

史地·年鑒

總策劃 耿相新

責任編輯 楊吉哲 王莉娜

封面設計 劉&王

出版 大象出版社 (鄭州市經七路25號 郵政編碼 450002)

網址 www.daxiang.cn

發行 大象出版社總發行部 電話：0371-63863551

印刷 北京中獻拓方科技發展有限公司

版次 2009年8月第1版 2009年8月第1次印刷

開本 890 × 1240 1/32

印張 11.875

總定價 180000.00元

若發現印、裝質量問題，影響閱讀，請與承印廠聯繫調換。

印廠地址 北京經濟技術開發區運成街甲6號

郵政編碼 100176 電話 (010) 67889166

東北年鑒(1931年)



中華民國政府主席
陸海空軍總司令

蔣中正



東政委會
北務員主



中民陸空副司令
華國海軍司令

東邊軍令官
北防司長

張學良

概觀

〔右〕張司令長官初次進京於十一月念四日就任國委後與蔣主席合影



歡迎極端擁護中央的張副司令



〔上及右〕首都歡迎張司令長官之標語

概

觀

東北釋名

東北者，中華民國領土位在東北之一部，包括遼寧、吉林、黑龍江、熱河四省，以行政的區域兼自然的區域而言之者也。東三省之名，初非定稱（注一），滿蒙一詞亦非我所固有（注二）。皆以對外締約，漫然引用，沿襲不替，流弊滋多。茲以行政區域之釐訂，遂使此一部國土，得有適當名詞。不僅於本國稱謂之利便上，形其確切，且能於世界地理上明其位置。抑知東北之稱，初不自今日始也。民國十年以還，國人於報章口語之間，固已通行，前此之著述，亦每多引用（注三），第無明確之界畫而已。民國十一年，張作霖氏奉令督辦東北屯墾邊防事宜，此為東北名詞見諸公報最著之一例。而同時其所統屬

東北年報（民國二十年）

之軍隊，亦且稱為東北軍焉。民國十八年一月，國民政府以東北邊防重要，特任張學良氏為東北邊防司令長官，是為四省軍事最高首領。東北政務委員會亦於是月成立，為指導并監督各省區最高級地方政府之機關。舉凡隸屬於此兩機關以下之區域，統在東北範圍之內。此東北名稱所由來，實有其確定之根據與界限，與世所謂遠東近東（注四）顯有異不同也。

東北之稱，其以周禮職方為最古歟，暨巫閭山至今屹然為東北之鎮（注五），此求之山川而得其迹象者也。遼遙遼瀾，遠在古初，其與中土固同列方輿，自非別屬提封。稍後世史冊，尤為數見不鮮（注六）。或以當時建都所在之地，為之中心，用以明其方位。大抵泛言，初無確指。非今之四省所得而專，亦非今之四省莫得而當也。至於滿洲之名，原即出自近世，

概觀

其前舊籍，咸曰遼東，即在前清，亦尚蒙言族號。按滿洲源流考，稱為曼殊師利之音轉，附會佛乘，原非本義，以為國號，則初無此名（注七），更不足以括今日東北之範圍。若與蒙古聯為一辭，視為特殊境界，實屬空前之巨譌。大抵一地之稱，自應名從主人，斷無於原有名稱之外，強為牽合之理。尤而效之，積非成是，宜為斷然屏置，不相沿用。

再以自然地理之區域言之。黑龍江包延東北，烏蘇里河注於東，圖們鴨綠兩江界於南，牡丹、松花、嫩江、洮兒、遠河大凌、諸水，交相貫錯，舉凡此數水流域所經而為之脈絡者，統為東北之區域；此見之河流者也。陰山脈既終熱河省西北邊境與遼寧省之四境，北入黑龍江省，咸西與安徽，折東南下為東興安嶺、小興安嶺諸山，於東北之北部，環成疊嶂。完

、長白、小白、吉林哈達、千山諸脈，由東北趨向西南，儼若長屏。陰山之脈更歧爲松嶺、燕山，盤勃鬱聚於熱河之境，東趨而一峯獨起，爲遼寧名山醫巫閭。舉凡此數山系所經而爲之骨幹者，統爲東北之區域，此見之山脈者也。行政區域，每似出諸人爲，而實際界劃，仍多因於自然之形勢。茲就山河形勢言，則四省之脈絡骨幹，實爲同氣連枝。如是則東北一名詞，即謂爲自然之一種區域，亦殊不涉牽強。復次，則東北自有其獨具之精神，富於「啓發性」與「涵受性」焉者也。強鄰狙伺，近在肘腋，舊日藩封，淪於屑隄，撫撓興衰，行當自念。此應乘時啓發者一。文物之興，比較稍晚，若不急起直追，無以荷鉅鉅而應世變，此應乘時啓發者二。田野不闢，貨財未治，懷寶迷邦，人將代謀，此應乘時啓發者三。有此三端，非大淪新知不足以有所建樹，非集思廣益不足以宏濟時艱，非體聚衆長不足以固我邊微，非知己知彼不足以保其存在，此即所謂「涵受性」者是也。論者曰，東北者，推廣文化事業之一領域（注八），是又於方位、政區、史蹟、地理以外，爲本篇應

概觀

有之義也夫。

▼注一 清光緒二十二年，與俄國訂立合辦東省鐵路公司合同。第一款云，華俄道勝銀行建造經營此路，另立一公司，名中國東省鐵路公司。所謂東省，即指奉吉黑而言之。二十八年，中俄收交東三省條約成立，此爲東三省之名見諸公牘之始。三十三年，清廷諭將盛京將軍，着改爲東三省總督兼管東三省將軍，此爲東三省確定之始。民國成立，既無總督之官，東三省之名殆不專有。後雖有東三省保安總司令之推舉，然爲臨時命名，所轄且不只於東三省也。

▼注二 滿州舊爲一族之稱（亦有謂非族號者，見注七），非現代適用之名詞。蒙古自內蒙改建省區，亦非復昔日之舊觀。民國二年九月，日本要求滿蒙五路權，此爲聯成一詞之始。民國四年五月之中日條約內有南滿州及東部內蒙古之語，日本即據爲典要，動稱滿蒙，實爲含混之至。蓋此等區域殊無清晰之界劃，日本人雖自長春以南稱曰南滿，以北稱曰北滿，然非地理上公認之名詞也。

▼注三 曹廷杰東北邊防備要：「朔方備乘於中俄交界考據詳明，顧其時俄人乘隙窺我東北」。何願船長維高集考：「東北方曰長維，吉林黑龍江質居長維之地」。

▼注四 通常所謂「遼東」、「近東」，以歐洲爲主體而言之者也。近東指巴爾幹小亞細亞等地，遼東則中國日本以及南洋羣島，義殊廣漠。我國亦每喜引用，斯亦不愚之甚矣。

▼注五 周禮職方氏：「東北曰幽州，其山鎮曰醫巫閭，其澤藪曰窪養，其川河濟，其浸藋時，其利魚鹽，其民一男三女，其畜宜四擾，其穀宜三種」。

▼注六 遼遼史兵衛志有東北招討使，東北路統軍司。百官志有東北路諸司，東北路行軍都統所。元一統志：「三京故國，五國舊地，今東北一都會也。」明遼東志：「遼在今爲東北重鎮」。

▼注七 滿州源流考：「滿州本族名，以國書考之，丹書皆稱爲曼殊師利大皇帝」。然在明崇禎九年，愛新覺羅

皇太極始建國號曰清，改元崇德，其時則曰後金，未嘗以滿洲爲國號也。當其以七大恨露布伐明，猶自稱金國汗。今瀋陽大東門（撫近門）舊額，尙有「大金崇德口年」字樣。按滿洲爲最大酋長之義，當時據以自號。初譯滿住，或譯滿啗，並無曼殊師利之華讀也。

▼注八 時人金毓黻氏東北縣名：「列舉五義」。

「1」神皋全壤，制以中樞，自中馭外，分爲八方。東北者，八方之一方位也。

「2」舜肇十有二州，禹別九州，劃分諸州之方位，位於東北者曰幽州，東北云者，謂在中國之東北部也。

「3」遼金二代於秦州一帶，設招討統軍諸司，冠以招討之稱，此政區也，而以方位之名之，明示此區之在中國東北部也。

「4」近頃稱遼吉黑熱四省爲東北，蓋對西北西南諸區域而言，以示爲中國之一部，謂爲別樹一幟，割據自雄，非其義也。

「5」因東北區域爲中國之一部，則知

東北年鑑（民國二十年）

立名之當，無難於此，其他諸稱宜擯而勿用，以符正名之旨」。

又時人卞鴻儒氏釋東北：「東北所以自成一區域，以提倡文化爲必要。在消極方面以文化自衛，在積極方面以文化救國。蓋衛東北即所以衛中國也」。

東北之位置

東北以中華民國東北境四省領土，位在亞洲大陸之東北。以形勢之重要，繫國境之安危，顯然形成其明確之位置於世界者也。

中國行政區域，不與鄰國接界者多有，有國界關係而僅與一國接壤者亦多有，接壤鄰國而又與海洋締結者頗屬僅見（如廣東省是）。若東北四省，則或與兩國之壤地相接（吉林省），或與一國之領土爲界（黑龍江省），或則既爲國界之所在，復爲海陸之分野（遼寧省，有八五五渾之海岸綫），或又純賴內地各省，僅與他省毗連（熱河），故東北四省在位置上，各有其特

概觀

殊之點。合而言之，則以國家疆界之接觸，其國際上之重要，視內地各省爲有加。以海路交通之關係，其世界性之濃厚，尤內地各省所不逮。是以論東北者，須爲東亞繁枯之機括，世界和平之樞紐，豈過言哉，豈過言哉！

東北之位置，以經緯度言，

南起	北緯	二八度四五分一五秒
北至	北緯	五三度四二分二七秒
西起	東經	一一六度〇〇分五四秒
東至	東經	一三五度〇〇分二五秒

南北相距十四度五十七分十二秒，東西相距十八度五十九分三十秒（注一）。

東北之位置，以四界言，東與俄屬東海濱省爲界。南與朝鮮之咸鏡、平安兩道，黃海、渤海、及河北省爲界。西與黑龍省、察哈爾省、蒙古車臣汗盟、北與俄屬西比利亞阿穆爾省及後貝加爾省爲界。南境所在，而國界佔其邊綫三分之二強，其國防上之重要，有任何省分莫得而比擬者已。

東北

東北之位置以形勢言：連西比利亞而遠接大西洋，介渤海黃海之水而遙聯新大陸，皆太平洋問題者不能遺東北。言黃白種族問題者，不能遺東北。言列強競爭者察綏之境，誠中國之鎖鑰，東亞之重地矣。

東北四省經緯度數表（經度以格林維基天文台為中線）
（東北陸軍測量局採用近真數目）

省名	最東經度	最西經度	最南緯度	最北緯度
遼寧省	東經一二九度二分〇〇秒	東經一二八度三分五八秒	北緯三十四度四分一五秒	北緯四十七度三分三秒
吉林省	東經一二九度五分二〇秒	東經一二七度一分〇〇秒	北緯四十二度二分五〇秒	北緯四十八度二分五〇秒

東經 東經

[illegible]

口東北重要都市經緯度數表

(據東北陸軍測量局測計)

省名	遼寧省	吉林省	黑龍江省	熱河省
最東經度	經東二九度二分〇〇秒	經東五九度〇〇分三三秒	經東三三度三分〇〇秒	經東一三度二分〇〇秒
最西經度	經東一九度三十分五八秒	經東一三度八分一〇秒	經東一六度七十分二秒	經東一六度五十分五秒
最南緯度	緯北三度四十分五秒	緯北四度四十分五秒	緯北四度五十分五秒	緯北四度一十九分〇〇秒
最北緯度	緯北四十七度一十七分三秒	緯北四十八度三十分五秒	緯北四十八度四十分五秒	緯北四十六度三十分五秒

■東北四省經緯度數表（經度以格林維基天文台爲中綫）

(東北陸軍測量局採用近真數目)

東北之位置，就國際地位言，則以接壤關係久處於日俄競爭狀態之下，而日俄大戰以後，爲其消長之樞樞。世界列強之就視，益確然認識其重要性之存在。中東戰役之後，俄德法三國提出交還遼東之議（注二），遂釀成日俄戰役及山東問題之根莖。故巴黎和約、太平洋會議、英日盟約、美日宣言等，胥不能不涉及東北，世稱巴爾幹爲歐洲之驕禍，若東北直稱東方之巴爾幹，亦未嘗不可。清光緒三十年，俄國敗北，太平洋沿岸諸國，利害關係最深者厥爲日美。民國六年，所謂蘆幸石井協約者，即云「兩政府承認領土相接之國家間生有特殊之關係，故美國承認日本在中國有特殊利益，而尤以接近日本領土之地方爲然。」又云「美國政府信賴日本屢次之保障，日本雖以地理位置上之關係有上述之特殊利益，然對於他國，不至與以不利之偏頗待遇。」一再聲言接近領土之地理上關係，一再聲言承認日本之特殊利益，是兩國之對東北，不啻公然私相授受。我國政府旋即提出不承認之宣言，於民國七年照會駐華美使云：「中國政府，領土相接近之地方，雖發生特殊之關係，然亦以

中國條約上所規定者爲限。要之他國以文書交換互相承認之事，中國政府絲毫受其拘束。」故美國對於此種協定不願保其永久，於民國十一年有華盛頓九國遠東公約之成立，對中國完全根據其門戶開放主義，然終以敷衍日本之故，於東北之國際地位，猶非十分進步的認識，日本固已嘖有頌言矣。美之對於東北，亦未忘情於利益均沾主義者也。滿洲鐵路之中立問題及滿洲鐵路合同問題，其計畫均鑒於日本。清光緒三十一年，英國商人擬投資建築由新民至法庫之鐵路，日本藉口秘密協定，其事亦沮。然以日英同盟關係，且方銳意經營西藏，與日本有所默契，視美國之屢思補苴者不同。而牛莊開埠，則英國對東北首先涉足者也（注三）。故日俄美英法德諸國，皆曾於東北施行其鉤心鬥角之技術，日人言及東北國際情形，每謂昔年爲三角關係今則爲多角關係，其言雖至堪玩味，然東北爲獨立國家領土之一部，其位置固確然無可移動者也。

▼注一 中國各地之緯緯度，尙無絕對確切精密之測定。現在測有標準經緯者，亦只青島觀象台及南京鼓樓之二

處。通行各書所列東北經緯，其數字爲南起北緯三十八度四十二分北至北緯五十三度三十分西起東經一百十七度四十三分東至東經一百三十五度二十分初非精確之數，無庸諱言。大抵其所根據，爲俄人白弗氏所測繪之地圖，未能信爲確切。茲表所列，爲東北陸軍測量局所採用之近真數目，在標準經緯度未經實測以前，已爲比較可靠信據者矣。

▼注二 清光緒二十二年四月，俄國向法蘭西協議起而提出還遼之舉，復邀德國加入，三國公使遂以交還遼東之勸告書，致送於日本政府，其大略云：日本向中國要求，將遼東半島割讓於日本，此舉不僅危及清朝之舊都，即朝鮮之獨立，亦受迫害，將來於遼東之和平，實爲一大障礙，因此以誠實之友誼，希望放棄遼東半島之佔領權。日本政府初爲愕然，繼知三國實將以武力爲後盾，俄人持之尤急，不得已以遼東半島交還中國。於是俄人遂自以爲功，而鐵路數段權、釐金租界權，倏大攫獲。日俄大戰之釀成，基於是矣。

▼注三 清咸豐八年，英法藉口亞羅
船事件，及廣西教案，聯軍犯廣州。
復北上，陷大沽。訂和約於天津，開五
口爲商埠，牛莊其一也。後移於營口。

東北之建置

東北因民族之活動而構成史蹟，殆三
千年有餘矣。其見於史冊之記載，亦三千
年有餘，當其未經典藉著錄，亦猶之乎八
國百粵，事跡疏略，非可強劃時期，以爲
東北之開始發現，或初蘇版圖也。人類之
活動，既不限於一地，生活狀態復極顯其
參差，當其隔而未通，亦復各盡其性，比
至交通繁密，聚散推遷，名稱之變易，政
權之轉移，疆界之離合，始成其所謂史蹟
，以昭示於吾人。夫東北之史蹟，中國史
蹟之一部，過去之東北，過去之中國之一
部，而又中國民族表現其活動之紀錄也。
明乎此而後可以論過去之東北，而後可以
言東北之建置。

滿洲之族，謂出於肅慎：肅慎者，固

概觀

又謂出於少典，此民族之古焉者也。長白
之山，古名不咸，具見於山海經；醫巫閭
山，名見周禮職方，此地理之古焉者也。
無論肅慎是否出於少典，東北名山是否即
爲古籍之所稱指，而其時必已有此山矣，
有此民矣。中原方由畜牧而墾殖至於耕作
，東北固亦由漁獵而墾殖至於畜牧，復由
畜牧而墾殖以至於耕作。東北至今猶有半
耕半牧之迹，而中原半耕半牧之風，渺乎
遠矣。夫生活狀態，原爲史蹟之一端。中
華民族之史籍，雖略於東北，而實際保有
之史料，乃獨富於東北，以此而言東北之
史蹟，當彌感其興味者也。

周秦以前，東北由漁獵時代進而至於
畜牧時代。其時有部落而無國家，有首領
而無其主，視中原之封建制度，疆界蓋然
，實爲有間。故除遼東一隅，爲燕將秦開
拓地至此外(注一)，餘之所謂肅慎東胡，
自無文字以傳其事蹟，僅於中原遺留之紀
載，知其早自通於中國而已(注二)。然當
漢武擊破匈奴左地，徙烏桓於上谷、漁陽
、右北平、遼西、遼東五郡塞外，其地即
今河北省之口北順義、及熱河東喀喇沁旗
、河北盧龍與遼寧也。烏桓者，東胡之一

支，爲匈奴冒頓擊破，分而南走，漢時屢
次內附，數爲邊患。光武時，其大人軻旦
等率衆來降，受封爲侯王君長者八十餘人
，及靈帝時漢綱解紐，蘇侯延領千餘部落
，建號峭王(在今遼寧西境)。烏延領八百
餘部落，稱骨汗王(在今熱河東境)，其後
蹋頓以武略振衆，號令及於各部，觀與曹
操戰於柳城(今熱河凌源縣境)，敗走遼東
，爲遼東太守所平。東胡之北走者，是爲
鮮卑，當漢桓帝時，其渠魁檀柝爲諸部
首長，轄境至爲廣大，東部自右北平以東
，至於遼東，接夫餘濊貊二十餘邑，已據
有今熱河遼寧之地，且延及吉林邊境矣。
其後國土分裂，慕容譚立國於棘城(今錦
縣西北)，至慕容廆以土降晉，拜鮮卑都
督，及子就立，南下高陽，(今河北省高
陽縣)，東取九都(今錦縣以北)，跨遼
熱之境，爲時雄國。此游牧時代之史迹，
事有關於東北之建置者。世徒以設官分疆
爲建置，故東北游牧時代之史迹，每略而
不書，寧有當哉？

肅慎建立部落，遠在上古，根本重地
，在今吉林寧安，奄有全省及黑龍江省東
南部之地。中古以後名曰挹婁，初尙臣服

於夫餘，而弓矢之廢爲郡國所傳，後乃自立。挹婁者，義謂穴居，明時懿路城，其故址也。夫餘一部於時爲西境雄長，其族出於獯貊，與肅慎不同種姓，高句麗之先世也（注三）。後漢書：「夫餘國在玄菟郡北千里，南與高句麗，東與挹婁，西與鮮卑接，北有弱水，方可二千里」。三國志：「夫餘在長城北，本屬玄菟」。漢末公孫度雖長海東，夫餘王尉仇台更固遼東，時高句麗鮮卑強，夫餘介二處之間，……夫餘有宮室倉庫牢獄，作城柵皆同」。後漢書：「濊人俗重山川，各有郡界……國有君主，皆以六諸名官」。其國在今松花江、鴨綠江、渾河之流域，首府居農安附近，疆界設置，井然可觀矣。

三國以後，肅慎復以十部立國，號曰勿吉，地域幾復上古肅慎之舊壤，地在長白附近，延至長春以北達於龍江。其十部爲：

- 粟末 今永吉縣附近
- 伯鵬 今扶餘縣
- 安車骨 今五常阿城等縣境
- 拂涅 今寧安縣
- 靺鞨 今依蘭縣

東北年鑑（民國二十年）

白山 今延吉縣境 新蓋 今朝鮮境

唐代既平高麗，勿吉部復更挾褐之號。繼時大氏於今吉林敦化肇興，唐聖嗣七年，大祚榮建號震國（舊唐書作振國）。唐遣使拜爲渤海郡王，復稱渤海國。新唐書北狄傳：「渤海本粟末挾褐，附高麗爲大姓，高麗既滅，祚榮自號震國王，光天中拜爲渤海郡王，以所統境爲呼汗州，領呼汗州都督事」。郡縣林立，置五京十六府六十二州。今在東北疆域內之可資考見者，有東平、鐵利、安遠、懷遠、率賓、龍泉、龍原、定理、扶餘、長嶺、顯德、鄭州諸府，固已深沐唐之文物聲教。而黑水挾褐，則於今黑龍江省立其部落，唐開之中，建勃利州，即以其酋長爲刺史。更置黑水軍，黑水府，仍以其部落酋領爲長，雖曰設治，亦且等於加封羈縻而已。唐書北狄傳：「挾褐在京師東北六千里，東至於海，西接突厥，南平高麗，北鄰室韋」。室韋五部據牧地於興安嶺，爲一時巨族，其文化雖非勿吉共餘之比，而隸隸歐亞之博爾濟金氏（元朝）則源出於是。中時代東北民族之政治生活，至是已漸脫離其

概觀

部落狀態，而漸趨於穩定之建國焉。

自秦置郡縣以來，轄境只限於遼東遼西，漢唐以迄遼金，地域漸趨廣大，疆界日益詳明。近古時期之中葉，契丹女真，疊操政權，隸屬區畫，彌以釐然。耶律氏起自臨潢（今熱河建寧縣境），號曰上京，以大定（遼西）爲中京，遼陽爲東京，皆在今日東北轄境之內，而西京遠在山西大同耳。置府六，曰定理、率賓、鐵利、安定、長嶺、鎮海。州軍城五十有六，其可考見於東北者：

- 遼州 今遼陽縣境
- 海州 今海城縣境
- 辰州 今蓋平縣境
- 銀州 今鐵嶺縣境
- 肅州 今西豐縣境
- 遼州 今黑山縣境
- 錦州 今彰武縣境
- 遼州 今通化縣境
- 遼州 今臨江縣境
- 復州 今復縣境
- 肅州 今岫巖縣境
- 遼州 今法庫縣境
- 韓州 今梨樹縣境
- 咸州 今北鎮縣境
- 錦州 今錦縣境
- 宜州 今義縣境
- 肅州 今興城縣境
- 遼州 今錦西縣境
- 遼州 今綏中縣境
- 貴德州 今新賓縣境
- 桓州 今桓仁縣境
- 正州 今柳河縣境
- 蘇州 今金縣境
- 信州 今遼源縣境
- 安州 今昌圖縣境
- 福州 今康平縣境

七

東北年鑑 (民國二十年)

權輿

八

泰州 今海南縣境 長春州 今安廣縣境
賓州 今榆樹縣境 澤州 今承德縣境

既擁遼吉黑熱四省之地，然生女真及其他部落，猶參錯蕃布於其間（屬契丹者爲熟女真，屬黑水部者爲生女真），與近世東北改省之際，蒙族依然雜處，情勢固相類也。金源代興，完顏氏據遼領域，以臨潢爲北京，會寧爲上京（今吉林雙陽縣境），遼陽爲南京，大定爲中京，皆在今東北區域之內。以咸平、上京、北京、東京四路，分區統馭，猶之行省之制。廣寧與中兩府，則閒散府治之不在諸路範圍以內者也。元起朔漠，契丹女真兩族並被臣服，其設官施政，遠及龍江以北，若李苦江萬戶府、肇州屯萬戶府、脫幹憐萬戶府、託溫萬戶府、吾者乞迷萬戶府、此屬於今之北部者也。胡里改萬戶府、南京萬戶府、東京萬戶府、幹朵里萬戶府、開元萬戶府、此屬於今之東部者也。南部則有金州萬戶府，而遼陽行中書省，以七路一府（咸平）十二屬州，分劃東北，曰遼陽路、瀋陽路、開原路、廣寧路、博學路、蒲與路、熱輿路。北京路、西京路，又在今熱河省境，餘於和林中書省，不繫諸遼陽者矣。

朱明初葉，莫定邊疆，洪武永樂間，邊外歸附者，官其長爲都督、都指揮、指揮、千戶、鎮撫等官，賜以敕書印記，設都司衛所。初東北設都司一，衛三百二十四，所二十四，以山東布政使，隔海遙領遼陽。正統以後，置廣寧太監總兵，遼東巡撫，轄一百八十四衛及二十所，今其遺迹之尚可考尋者如次：

遼陽 今遼陽 廣寧中屯 今錦西
定遼 今遼陽 義州 今義縣
海州 今海城 寧遠 今綏中
蓋州 今蓋平 建州右衛 今新賓
鐵嶺 今鐵嶺 建州 今柳河
三萬 今開原 東寧 今開通
海西 今西豐 復州 今復縣
廣寧 今北鎮 金州 今金縣
福餘 今肇州懷德 遼海 今康平
塔爾河 今洮南 阿寶 今阿城
罕答河 今永吉 幹朵倫 今延壽
亦東河 今伊東 愛丹 今延吉
撒拉兒 今慶城 雙城 今和龍
勿里 今勃利 嫩哈 今汪清

阿林 今舒蘭 弗提 今寧安
密陳 今樺甸 完屯河 今額穆
乞忽 今遼江 和屯 今依蘭
南河 今磐石 勿魯愛 今樺川
撒忽河 今扶餘 兀勒河 今富錦
納爾 今雙城 只卜得 今方正
沒命河 今五常 明弗思 今方正
麥爾河 今穆稜 阿真同真 今通北
木塔 今靈山 兀者 今呼蘭綏化
乞勒尼 今同江 董寬山 今海倫
失爾兀赤 今饒河 卜願 今巴彥
莫溫 今虎林 也速 今蘇北
塔賽 今泰來 卜魯丹河 今漢河
木爾河 今木蘭 哈爾分 今烏雲
可吉河 今綏稜 罕麻 今呼倫
札蓋 今布西 亦爾古里 今曠漢
兀桃溫 今龍江 阮里河 今寶泉
兀里答 今龍鎮 諸音 今熱河
興州 今承德

計九十六衛。蓋其時衛所之制度，猶之屯營戍駐，設殿翼常。滿州各族又復離合遷移，漸失舊址，第今日建復諸縣，猶多當日之聚落，則可斷言也。
清代崛起建州（今吉林柳河縣境），東